

<<洛阳伽蓝记>>

图书基本信息

书名：<<洛阳伽蓝记>>

13位ISBN编号：9787806421048

10位ISBN编号：7806421041

出版时间：2001-05

出版时间：山东友谊出版社

作者：（北魏）杨衒之

页数：214

字数：135000

译者：韩结根

版权说明：本站所提供下载的PDF图书仅提供预览和简介，请支持正版图书。

更多资源请访问：<http://www.tushu007.com>

<<洛阳伽蓝记>>

内容概要

《三坟》、《五典》之说，九流百氏之言，并理在人区，而义兼天外。至于一乘二帝之原，三明六通之旨，西域备详，东土靡记。自项日感梦，满月流光，阳门饰豪眉之像，夜台图绀发之形。尔来奔竞，其风遂广。至晋永嘉，唯有寺四十二所。逮皇魏受图，光宅嵩洛，笃信弥繁，法教逾盛。王侯贵臣，弃象马如脱屣；庶土豪家，舍资财若遗迹。于是昭提栢比，宝塔骈罗，争写天上之姿，竞模山中之影。金刹与灵台比高，广殿共阿房等壮。岂直木衣绀绣，土被朱紫而已哉！暨永熙多难，皇舆迁邺，诸寺僧尼，亦与时徙。至武定五年，岁在丁卯，余因行役，重览洛阳。城郭崩毁，宫室倾覆，寺观灰烬，庙塔丘墟，墙被蒿艾，巷罗荆棘。野兽穴于荒阶，山鸟巢于庭树。游儿牧竖，踣躅于九逵；农夫耕老，艺黍于双阙。麦秀之感，非独殷墟；黍离之悲，信哉周室！京城表里，凡有一千余寺，今日寮廓，钟声罕闻。巩后世无传，故撰斯记。然寺数最多，不可遍写，今之所录，上大伽蓝。其中小者，取其详世谛事，因而出之。先以城内为始，次及城外，表列门名，以远近为五篇。余才非著述，多有遗漏。后之君子，详其阙焉。

太和十七年，高祖迁都洛阳。
诏司空公穆亮营造宫室。
洛阳城门，依魏、晋旧名。

东面有三门。
北头第一门曰“建春门”。
汉曰上东门，阮籍诗曰：“步出上东门”是也。
魏、晋曰“建春门”，高祖因而不改。
次南曰“东阳门”。
汉曰“东中门”。
魏、晋曰“东阳门”，高祖因而不改。
次南曰“青阳门”。
汉曰“望京门”。
魏、晋曰“清明门”，高祖改为“青阳门”。

南面有三门。
东头第一门曰“开阳门”。
初，汉光武迁都洛阳，作此门始成，而未有名。
忽夜中有柱自来在楼上。
后瑯琊郡开阳县言南门一柱飞去，使来视之，则是也。
遂以“开阳”为名。

<<洛阳伽蓝记>>

自魏及晋，因而不改，高祖亦然。

次西曰“平昌门”。

汉曰“平门”。

魏、晋曰“平昌门”，高祖因而不改。

次西曰“宣阳门”。

汉曰“津门”。

魏、晋曰“津阳门”，高祖因而不改。

西面有四门。

南头第一门曰“西明门”。

汉曰“广阳门”。

魏、晋因而不改，高祖改为“西明门”。

次北曰“西阳门”。

汉曰“雍门”。

魏、晋曰“西明门”，高祖改为“西阳门”。

次北曰“阊阖门”。

汉曰“上西门”，上有铜璇玑玉衡，以齐七政。

魏晋曰“阊阖门”，高祖因而不改。

次北曰“承明门”。

承明者，高祖所立，当金墉城前东西大道。

迁京之始，宫阙未就，高祖住在金塔城。

城西有王南寺，高祖数诣寺沙门论议，故通此门，而未有名，世人谓之“新门”。

时王公卿士常迎驾于新门。

高祖谓御史中尉李彪曰：“曹植诗云：谒帝承明庐。

此门宜以承明为称。

”遂名之。

北面有二门。

西头曰“大夏门”。

汉曰“夏门”，魏、晋曰“大夏门”。

尝造三层楼，去地二十丈。

洛阳城门楼皆两重，去地百尺，惟大夏门薨栋干云。

东头曰“广莫门”，汉曰“谷门”。

魏、晋曰“广莫门”，高祖因而不改。

自广莫门以西，至于大夏门，宫观相连，被诸城上也。

一门有三道，所谓九轨。

<<洛阳伽蓝记>>

书籍目录

前言洛阳伽蓝记原序洛阳伽蓝记卷第一 城内 永宁寺 建中寺 长秋寺 瑶光寺 景乐寺 昭仪尼寺 愿会寺 光明寺 胡统寺 修梵寺 嵩明寺 景林寺 建春门洛阳伽蓝记卷第二 城东 明悬尼寺 龙华寺 瓔珞寺 慈善寺 晖和寺 通觉寺 晖玄寺 宗圣寺(见后) 魏昌寺(见后) 照平寺 崇真寺(见后) 因果寺 宗圣寺 崇真寺 宝明寺(见后) 城内般若寺 城西融觉寺(见后) 禅林寺 灵觉寺 魏昌尼寺 石桥南景兴尼寺 灵应寺 庄严寺 秦太上君寺 正始寺 平等寺 景宁寺 宝明寺 归觉寺 洛阳伽蓝记卷第三 城南 景明寺 大统寺 招福寺 秦太上公二寺 报德寺 大觉寺 三宝寺 宁远寺 承光寺 正觉寺 龙华寺 追圣寺 归正寺 菩提寺 高阳王寺 崇虚寺 洛阳伽蓝记卷第四 城西 冲觉寺 宣忠寺 王典御寺 白马寺 宝光寺 法云寺 灵仙寺 阜财里内有开善寺 寿丘里 河间寺 追先寺 融觉寺 大觉寺 永明寺 洛阳伽蓝记卷第五 城北 禅虚寺 凝玄寺 闻义里 冯王寺 齐献武王寺 元领军寺 刘长秋寺 闲居寺 柄禅寺 嵩阳寺 道场寺 中顶寺 升道寺 石窟寺 灵岩寺 白马寺 照乐寺 附录一 《四库全书总目提要·洛阳伽蓝记提要》 附录二 《洛阳伽蓝记》版本目录

<<洛阳伽蓝记>>

版权说明

本站所提供下载的PDF图书仅提供预览和简介，请支持正版图书。

更多资源请访问:<http://www.tushu007.com>